

北京圖書館
編

北京圖書館藏家譜叢刊
閩粵
(僑鄉) 卷


北京圖書館出版社

節堂祖世德堂祠址圖

吳堯階繪

承接以上第 十三頁 慧聰 公派圖
承接以上第 十三頁 特也 公派圖

責任編輯 四十
封面設計 四十
七世 四十




節堂祖世德堂祠址圖

吳堯階繪

北京圖書館藏家譜叢刊
閩粵
(僑鄉)卷

北京圖書館
編



A0855760

第 40 册

北京圖書館出版社

節堂陳公祠


劉氏傳忠
錫正編

癸酉長
至節
沈澤孝





序一



聖門四科。或以德行。或以言語。或以政事。或以文學。各目其所長。如顏子才堪王佐。非無政事才也。而於德行則優之。故以德行傳。季路負米奉親。非無德行才也。而於政事則優之。故以政事傳。端木告往知來。非無文學才也。而於言語則優之。故以言語傳。游夏善爲說辭。非無言語才也。而於文學則優之。故以文學傳。四科而外。曾氏最魯。而能得一貫之道者。厥惟曾氏。一貫之道維何。曰恕之外。曰忠而已矣。夫忠者。盡己心之謂也。盡心以爲己。盡心以爲人。推而至於盡心以爲國。見義勇爲。見危受命。臨難毋苟。臨節不奪。浩然之氣。充塞兩間。無一非心。無心非忠。要皆此一貫之道。有以貫之焉。觀於閩崇之五夫里劉氏傳忠錄一集。當宋代靖康叔季之世。正劉氏祖孫効命。

之時。金人入寇。天子蒙塵。國難方殷。朝臣共怖。而劉氏一門三世。乃奮其忠勇。著其忠節。忠顯奉使金營。堅強不屈。酌酒馳書。從容畢命。竟以殺身而成其忠。卒諡其忠曰顯。忠定以關外爲蜀之門戶。堅壁築壘。坐鎮壘口。以全蜀地。終以好謀而成其忠。卒諡其忠曰定。文靖以不堪吏責。退隱武夷。研通易理。作復齋以自銘。口授朱子以三字符。後爲儒宗。又以優學而成其忠。卒諡其忠曰文靖。若忠肅則爲忠定之長子。生有異質。居家克孝。立朝則精明果斷。直言讜論。上陳時事八首。更以敢諫而成其忠。卒諡其忠曰肅。竊歎劉氏一門。自祖洎孫。或武以安邦。或文以經世。或恂恂於鄉黨。或侃侃於朝廷。萃四科之選於一門。傳一貫之忠於三世。何其德之盛。而世之昌歟。江灣程子勳。仰慕劉氏忠蹟者三十餘載矣。深恐前編史子所載。或有未盡。

乃訪尋劉氏後裔。搜求其家藏祕本。并後代之隆章錫典。一一彙集而續錄之。以丐序於余。爲之刊行。示世。夫忠。忠蹟也。錄實錄也。傳傳世也。實錄其忠蹟而傳世於不朽也。爰嘉程子忠心於劉氏之忠。遂執筆而爲之序。辛未季冬寶山楊雲謹撰。

序二

壬申七月。有宋屏山先生苗裔劉君永康。以先世所哀傳忠錄屬爲序。踰月不報。竊自過。雖然。當今之世。尙可以言忠乎。人之言曰。盡己爲忠。忠於一姓。非忠。上思利民爲忠。盡瘁於一家。非忠。然則劉氏傳忠錄之刊。何爲也哉。靖康之禍。金人將柄用忠顯。忠顯守不事二君之義。卒損其身。固猶是忠於一姓也。忠肅之責難陳善。排抑嬖倖。及少傅之卻金人。護全蜀。直閣之殄范寇。保鄉邦。固猶是盡瘁於一家也。獨屏山先生隱居不仕。然眷懷君國。俯仰盛衰之意。時流露於汴京紀事詩中。是非忠於一姓之明證歟。抑孤突之言曰。策名委質。貳乃辟也。古誼固當如是爾。是故以劉氏三世五賢。忠於一姓爲善。則見笑於當世。若以忠於一姓爲不善。則又開罪於名教。雖然。有人理

焉。不可與禽獸比。有國教焉。不可以夷狄變。故與其獲罪於名教。無寧見笑於當世。則是編之重刊。所以維持人理。保存國教者。豈特爲劉氏重哉。壬申秋八月江陰曹家達謹序

序三

古今之昭昭於天壤間者。其惟忠孝二字乎。忠對於事君而言。孝對於事親而言。二者本相聯合。古語謂求忠臣必於孝子之門。可知天下無忠而不孝者。亦無孝而不忠者。是能忠必能孝。能孝必能忠。有由來矣。今劉氏三世。錄僅言傳忠。而不言傳孝者何也。或者曰。能盡忠必能盡孝。所以不言孝者。蓋謂孝之一字。已包括於忠之內矣。劉氏三世傳忠如。忠顯公。義折強虜。不爲威脅。不爲利誘。靖康之世。大節凜凜。忠肅公。遭際孝宸。晉位樞要。排抑嬖倖。陳善責難。大義昭然。少傅公。却醜虜。全蜀地。直閣公。護鄉邦。殄范寇。功績輝耀。見於史冊。若夫屏山公。隱居樂道。立言勵行。雖事業不著於時。然忠心耿耿。未嘗或息。是一門忠孝。並及數世百世。又豈得以三世目

之哉。清湘史君集爲是錄。所以表揚世德者。美矣善矣。蔑以加矣。今其裔孫永康等丐序於余。余不敏。惟願劉氏世世子孫謹守此忠。勿替。其亦無愧爲劉氏之後裔也。夫壬申小春月暨陽後學毛鳳銖謹序。

序四

傳忠錄者。宋承奉郎劉公學裘。哀輯其先人所得賜額宸翰。暨當代名賢碑記。悼祭詩文。爲一編。以闡揚三世五賢之盛美者也。劉氏之興。肇自贈太師資政殿大學士忠顯公。幹忠顯子三。長贈少傅寶文閣直學士子羽。次直秘閣子翼。用吏績顯。次通判興化軍文靖公子。輦爲世儒宗。學者所稱。屏山先生也。少傅長子。觀文殿學士江東安撫使忠肅公珙。入參樞密。出總師旅。有抗直之節。誠勤之勛。弗究其施。天下悼痛。西山真氏以謂前代世家。自東漢楊氏外。鮮能及者。蓋劉氏三世效忠之榮聞。大顯於時矣。夫任天下之艱者。其中貴有深固不撓之氣。成不世之業者。其始必無與流俗競功名之心。方忠顯知越州禦賊。誓與城存亡。遣使金營。從容就義。少傅守三泉。據胡牀。

坐壘口扞敵。知以身報國而已。朱子爲忠肅墓碑。亦稱其安撫湖南。受命兼行。賊張甚。兵未至。人心動搖。惟以賞信。刑威振士氣。殄數萬強寇。其臨難不避。謀慮鎮定。並孟子所謂至剛至大。配道義而無餒者也。然金人南叛。議者欲乘士民之憤進躡之。忠顯以亟戰爲非。張浚議大舉圖金。少傅謂宜益兵屯田。以俟機會。乾道間宰相建言恢復。舉動煩擾。忠肅謂荊襄四支也。朝廷腹心元氣也。今不憂元氣之憊。而慮四支不強。非臣所敢知。其言皆審固持重。不欲倣幸於佳兵之一逞。以視爭意氣於口舌間者。相去又何遠耶。蓋君子履其位。雖蹈白刃而不辭。處旁觀則熟慮兼權。務求其至當。其志遠虛譽而近事實。後一己之私計。而先國家之安危。斯其所以爲忠。而傳之無愧色也歟。宋史三公各爲傳。列文靖儒林。而不及直閣。是編載胡氏寅

墓誌述其知建劍撫治諸州。鉏姦活民。廷薦循吏。璽書褒獎。事及張
循。鄭起潛。文靖諡議足補史闕。據李邴朱子文知文靖爲中心顯季子。
非仲子。足正史誤。餘亦多資發明參訂。爲攷古者不可少之書。匪獨
劉氏世寶而已。文靖裔孫佩瑀等。於道光十四年始得是編。喜告族
人而授之梓。遭亂散失。今其後嗣陽湖學生震之。奉祀生受益監生
思退岳榮等。鳩工重刻。乞言於予。予維忠顯諸公。大節宏聲。興起百
世。而忠肅再知潭州。平劇寇。增戍薄斂。人賴以蘇。大修書院。延張宣
公教士勸學。有功德於湖南甚厚。今讀是編。猶如拜公位。獄籠六君
子堂中。慨慕無已。執筆爲序。其何可辭。震之等尙篤念先人。益振厥
緒。處惟文靖是宗。出以忠顯諸公爲法。則太上三不朽之道。不出家
而有餘師矣。嗚呼。可不勉哉。光緒十二年丙戌秋七月國子監祭酒

提督江蘇學政長沙王先謙謹序